

侍郎葛公歸愚集

侍郎葛公歸愚集卷第九

賦 騷 銘 文

餘慶堂賦

歸愚居士泛金溪上有居焉其堂三楹衆戶發樞四阿垂
平砌甃礪若潔惇綃耀明陋不至於斧木侈無羨於雕甍其
東偏之寢室也翠被翻波香篝吐穗狀衲僧之夜禪類鰈
魚之弗寐西偏之書幌也下綆汲古提臯哦詩風散蒲牀
之書葉雨滋臨案之墨池有客過余而言曰凡物之設惟
人所處脫逆曳而倒施是冬絺而夏絮今君之堂其高三
十尺其廣四十步而乃障以沙版絙以縑輅是何異反衣
狐白之裘以白地光明錦裁爲販婦之袴也哉余乃徹雙
柱架兩梁載清夢於別宇移蠹簡於前廂於是房櫳䟽敞

心意舒張室虛而自然生白泰定而發乎天光是謂摧藩
籬於大方之家散羣漚於滄海之洋豈不甚快矣哉時其
戚會賓從時移節換雕欄煒兮羣葩散錦玉碾平兮月華
鋪練或遇結褵之夕或壽懸弧之旦莫不哀詒燕之簪纓
粲歸寧之掃瑱倒壺觴於夜永響絲竹於天半御茲闕達
之居則豈復有勃谿之歎旣落成客請名曰餘慶余因謂
曰子所謂慶者豈非三聘幣加一札書細焚艾製於駒谷
絢龜章於鴛綴者邪彼以其貴吾知居易而已又豈非充
夢疊綵積蚪儲胎峙鈞石於金穴斂億材於雲堆者邪彼
以其富吾知節財而已苗英裔俊學優身奮塞仙桂於月
窟奪錦標於文陣以是爲慶乎彼得失有數吾知義訓而
已鮐背鶴髮熊經鳥申悟三一於消子邁甲子於絳人以

是爲慶乎彼壽夭在天吾知修真而已大抵可必者在性而不可必者繫乎時命儻能躬行其可必而召其不可必者則又何愧於黃卷中賢聖乎在易有之積善之家必有余慶

憶菁山賦

己酉之秋羯胡入寇飲馬于江衣冠震聳奔遁僻壤我乃流宕越佚孤蓬夜馳辭仙墩之衡茅棲景山之招提遠兵戈之騷屑翦林巒之幽竒方且倚沼畦瀛飲酒賦詩豈謂突不黔而又轉而他之也於是西陽含山東林射里傷去擢之匆匆悼郊墟之遍徙方兵纏於紫微諒繹騷之未已蒼崖翠嶂鬱乎在望怨山人之不來吟夜鶴於空帳怊羽翰之難傳第神馳而心嚮徒想夫蓮宮琳館藻繡編連紅

壁紗板彫當綺筵紫霄西竺之像設絢映乎金碧而緇衣
黃冠飛錫控鶴往往躡虛以冲天而曾未遂於周旋榛荆
蒼蔚之場響泉下灑觸巖巖觝隈紆餘逶迤恠石涵淵而崩
濤搜䟽有客剡戈鋌而激矢而吾又未得洗耳而礪齒瑞
草新英羃歷青春雀舌鷹爪原隰昫昫千夫噉山若筐若
筥採擷如雲製騎火而飛麴塵則蒙頂鷄山日注雙井殆
埒美而並珍而吾未得淪以娛賓環山之麓園屋齊啓玄
微冲漠之儔蔑彼名級棲心蘿薜鹿冠芒屨容與於雲阿
者常數十計而吾又未得於草堂而竊吹是皆有憾焉客
有告余者曰子獨不知夫山椒幾楹仙翁所營上設丹竈
下種黃菁雖其人已蟬蛻于埃壙之外而風月之夕猶聞
金策之鈴鈴子盍歸尋臯祖之仙扃乎玄語真詮或以私

其孫則可以相從於椒庭尚何惴惴於斯世之兵余曰唯唯

曠齋賦

山橫雲卧波渺天接鷗沙鴈浦清入目睫吾將陳雷乎明
秀之絕景而研桑乎閑中之日月乃吸塵象結小棟宇蘭
攘葯房皆中規矩碧綃耀樞玄箔垂戶是爲山人處士之
廬又何殊豹隱於煙霧也哉予以琴牛盜雉木之聲清也
予以綦兔宮蛇穴之勢立也觴焉而瓶壘罄詠焉而鬼神
泣誠可以薄軒冕而謝維繫矣噫行藏成虧處順安時一
絲不掛孰拂天倪吾道重於九鼎世事輕於毫釐吾不能
以所重易所輕也真鴻罷弋天馬不羈一乍佞賢作半黠
癡又奚愧乎北山之移

喜開

白蘋花發兮水晶宮捨此地兮余將曷從斧斤丁丁兮爲
余之棲葑作房兮梁則辛夷朝迎山雲兮莫送雲歸伏臘
粗給兮朝市奚爲薑畦兮芋疇瓜瓠蔓長兮女桑始柔高
田兮壤沃交芒如簪兮黍如粟下田兮若按穠稔衡從兮
碧泉亂水不滯兮旱火不光神之德兮疇敢忘拜金鋪兮
奠椒漿賽鼓坎坎兮錦傘悠颺傾銀兮注瓦玄鯽霜芹兮
父老同社烏勸飲兮風爲啓關宇宙之間兮誰如我閑熱
官雖好兮寧守菟裘彼有危機兮余差無憂雁鷗絲練兮金
作鐶搏狐兔兮供吾之餐馬王勒兮錦作障檀溪深兮躍
必五丈爲人吠兮乃可以佩人之鉤爲人鳴兮乃可以食
人之粟所貴兮寂寂而矯矯所鄙兮赤赤而碌碌吾寧爲

鴻兮取食於江湖吾靈兮為龜兮曳尾於泥塗

雲仙

木葉蕭蕭兮雨冥冥山鬼呼風兮後夜鳴巫假神兮驚愚
髡假巫兮乞靈雲仙來兮瑤席啓坎坎擊鼓兮拜寒水雲
仙去兮閃倏不聞錦傘搖兮望莫雲紛姣服兮走朝與暮
煮蒿溲昏兮使君怒青螭白蚪兮不須歎帝居請發鏃兮
何必天孤沉主兮焚屋正人伸氣兮溲神夜哭妖止兮俗
醇請傾百川兮壽使君臯亭兮不記營道蘇侯兮已屏堯
廟憤王去去兮響音莫出狄梁公兮方草檄

九效 并序

王者熄迹風雅寢聲楚屈原作離騷之文頓挫而深華瓌
詭而惠巧驚采絕艷爭光日月惜乎非其時不得以斯文

鳴太平之盛徒鬱伊忿怨傷時憫志卒以身從彭咸之居
某也生於昭代又幸預搢紳後塵則楚人之詞母作可也
然而邇者上天悔既將還長樂之輶而固陵梓宮椒房題
湊亦復遠至某既喜中興有期又喜無前之勲成於我公
之手而感今懷昔又不能無悲也是以輒效屈原九章九
歌體作為九效非敢仰追湘纍之逸步聊欲因瑣瑣之文
少見其志云爾

陰陽寒暑兮運無積天之成歲兮顧豈一日羲和敲日兮
聲作玻璃挂魄迎宵兮忽掛之流沙兮揚土簷泮泮兮又
夜雨嚴霜苦寒兮萬木不花葉底兮俄茁其芽星鳥星火
兮四時有令慘舒闔闔兮斟酌斗柄三百六旬兮歲功始
成細人蠢蠢兮又豈知夫天運

天運

天龍兮負圖地龜兮負書 后皇兮純孝格天台兮祕
畫無前薛荔兮出之水中芙蓉兮塞之木末碧玉上兮煙
霄遠彤霞爛兮秋水闊重程兮順動長御兮啓引交鼓兮
絃瑟簫鍾兮瑤篴御玉衣兮珠步搖赭黃奉觴兮臣妾入
朝建中天子兮百偽紛錯我宋中興兮天返長樂四海爲
養兮子職供千秋萬歲兮慈寧宮

慈寧

珠丘峩峩兮蒼梧遠弓劍杳隔兮九土鬼斷邊聲起兮春
草深木鐸無聲兮歲月換上天悔旤兮誘天驕黃腸素紼
兮歸路迢迢撫櫬循題兮愁霧重江河傾淚兮雷霆聲慟
行安靈兮金粟堆白楊蕭蕭兮風送哀匣主兮肖貌穆將

愉兮清廟對越兮在天永蒸嘗兮千萬年

永固

堅木兮不可爲圈鍊鐵兮不可爲鈎圈不成兮何箕之得
鈎不成兮何魚之求委吳以筦籥兮復越事狄以皮幣兮
興周故曰拯亂兮不如圖治銳進兮不如觀勢以弱爲強
兮以予爲取邊廷無犬吠兮息旗與鼓

強弱

破細絕絡兮民不支不了蘭藏兮舉世無醫病在腠兮廢
湯熨未至血脉兮乃施鍼石布指於位兮息至不知陰陽
倒置兮寒涼逆施內實兮餌之桂附中乾兮反投消以蠹
天生盧扁兮授術上池躋民壽兮至期頤

醫國

虎嘯兮風生龍舉兮雲從彈角兮應角鼓宮兮應宮有熊
兮重華風后兮皐繇世卓兮眇眇矩矱兮可尋申椒兮杜
衡揭車兮留夷捋茅兮擷條芳菲菲兮滿堂梓人兮善工
赤籙兮重昌

君臣

苗芃芃兮防莠桂鬱鬱兮防蠹欲苗實兮挂榮必莠除兮
蠹去吾有少陵之鑱兮莠必藉吾有尉他之器兮蠹將奚
逃發嘉穎兮崑崙繚繆枝兮招搖粒米狼戾兮樂復樂長
塗炎日兮又庇之以垂天之幄

薺萌

歲習習其欲頽兮久棲身於幽仄慮脩名之不立兮聊廣
遂於前畫塞玉英以自脩兮結榮苴以佩之服芟製而荷

衣兮又飾之以江蘿望閭風之板桐兮弱水淤以見隔造
旬始而覲清都兮求仙梯而未得沐咸池兮晞髮陽阿鑿
井耕田兮姑擊壤以歌

自脩

吾有車兮山之阿吾有舟兮江之汴任重兮致遠欲行兮
誰止車欲行兮山路搓牙舟欲行兮底着平沙吾不能移
王屋之山兮通褻斜之阪此舟車兮孰推孰挽將搯膏棘
軸而強挽兮畏顛泚兮力疲將編蒲結草而強挽兮憚褰
裳而汨其泥欲行石兮乘流吾當求之梓人之與陽侯

鳴窮

橫山堂三章

陽羨之山兮領地靈鴻洞歛吸兮九疊爲屏青蘿層層兮

深崑絕壁一鳥不鳴兮山更寂橫山老人兮蟬蛻埃塵倚
石梁兮手攬白雲眼中萬仞兮曾中萬頃秦華山林兮秋
毫鍾鼎東山妓女兮北山猿鶴西山柱笏兮亦復奚樂節
彼南山兮山巖巖突鯨額兮霄堦間民具瞻兮傾百川以
爲壽鴻母遵陸兮公歸錦繡

陽羨之水兮湍流喧飀砵崖轉石兮萬壑殷雷瀨淺淺兮
忽如瀉畦碧綉兮溪罨畫橫山老人兮樂天無憂聊臨睨
兮夷猶擊芳苕兮大薄塞杜若兮汀洲暮寫兮寶唾傳悲
壯兮又雙瑣沐髮兮何必咸池濯吾纓兮水之湄乘月兮
何必牛渚繫吾舟兮水之浦吾之舟兮萬斛有餘凌陽侯
兮狎靈胥百尺揭兮颿席舉撇旋捎瀆兮無險阻傳說騎
箕兮不可攀留此舟兮橫山

陽羨之居兮宅祿莊辛夷閨兮薜荔牆建芳馨兮廡門爛
昭昭兮未央橫山老人兮獨處廓十七地兮三一屋龍馳
兮冲天花鳥水竹兮聊爾平泉公有豫章梗楠兮聳萬仞
公有臧功玄厲兮磨而不磷棟梁兮媿媿柱之石兮不傾
以支此棟此石兮非斤非斧盡以枅櫨兮寰宇

象戲

余得官官庠無簿書朱墨之冗於慵者固幸而講授希闊
於蒙且拙者又大幸季夏家食終日蕭然無一事與幼女
象戲勝負更迭乍喜乍憤泊歛子收局勝負迹泯喜憤之
氣因隨以息乃作文自警其詞曰

東平河間擬宗英兮汲古嗜學輕金籛兮倥侗效官謬宮
黷兮南箕北斗真虛名兮風轉槐龍夏日清兮枯槁四八

稚女并兮摧車扶馬襲勁兵兮河壩夜渡竟斫營兮喧呖
詔呼性命輕兮初無髮髮出四瀛兮又無額黃分智瓊兮
胡爲彼此獵智爭兮勝者拍手笑絕纓兮不勝感額顏爲
頰兮斂子收局孰虧盈兮因悟世間枯與榮兮人曰霄壤
我弟兄兮百年一瞬尋香城兮聊從四老從龍征兮

蛛硯銘

并叙

紹興戊午五月余與妹夫章道祖待省試于臨安之資國
同舍郎王叔容言其父大觀間與親黨在都城同待上舍
試各有蛛窠窠其硯衆咸以爲登科之祥已而果然次日
道祖所用硯遂結蛛網越翼日余硯池亦有之衆皆睥眦
且爲賀語 未幾余與道祖偶皆預賜第之末越五年癸
亥六月二十六日寓居寶谿復有蛛成余硯三垂披離而

蛛歸然其中因作蛛研銘銘曰

紹興敦牂	臯月律變	南章北葛	書共賓薦
操管南宮	差日塵戰	有斐其几	同醉經傳
朱墨紛錯	詞騁黃絹	丙夜忘寢	枕弗及奠
章子晨興	覩蛛網硯	葛曰異哉	北已前見
雨雪霏霏	先集惟霰	將步廣寒	桂樹陰轉
章曰嘉哉	蛛至必荐	同登有徵	吾寧敢擅
翌日丙辰	扶桑未曉	葛子墨池	絲窠復罨
張羅置圍	羃絡幾徧	異事有此	舉子驚羨
異時棘場	揮灑文卷	輔車排障	揚葉穿箭
捷書鼎來	奏名金殿	癸亥六月	薰風晨扇
有蛛如粟	跂脰閑院	陶泓星懸	網開三面

文字之祥 層出還見 于嗟螯蛛 勞爾眷眷
我視世間 窮通貴賤 如泡如影 如露如電
得之何喜 失之何怕 進則有爲 退亦奚戀
月墓墮寢 天虹垂醺 補闕噪鵲 封侯領鸞
所享幾何 政復一瞬 聊作硯銘 以警狂狷

小樓上梁文

兒郎偉考成版屋何慙南嶽先生未辨石樓終愧香山居
士歸愚老人上韓愈宜春之印歸肩吾雲水之廬芟薶北
隅經營後圃將使樾蔭几席花艷壺觴雖無佛國之優雲
尚欠仙家之旌節然鉢孟傳杜鵑之種羯鼓開繁杏之柯
牡丹送婺女之星芍藥醉楚狂之子漁郎漾舟於桃花之
側孺人戛瑟於辛夷之前亦足以暢叙幽情淹留歡緒爰

興層屋下視綺原曷裊露梢蒸綵霞而拂檻重重煙葉展
翠幄以承穰有是賞心何辭屬役旣謀龜筮用舉虹梁

兒郎偉拋梁東曲港飛橋一葦通鹿苑寺前魚酒市趁虎
時有杖藜翁

兒郎偉拋梁西倒影千峯落盡溪一望滄浪芳薄裹幾番
騷裏綠楊嘶

兒郎偉拋梁南鐵鳳華鯨響淨藍飛錫何方來白足爲人
時演後三三

兒郎偉拋梁北蒼卞峩峩生翠滴山人莫遣曉猿驚驛路
須防德璋勒

兒郎偉拋梁上醺幄翻空薇作帳凭欄細細翫花梢要看
春工雕刻相

兒郎偉拋梁下閑裏光陰買無價蒼苔綉地長鋤痕皆并
汲泉生石罅

伏願上梁之後享衛武之百年朋魯僖之三壽一百九十
策榮及孫曾三萬六千場醉同賓友縣茲福筭波及里閭

侍郎葛公歸愚集卷第九

侍郎葛公歸愚集卷第十

卷第十

外制

刑部郎官吳鼎除右司員外郎

朕惟郡縣之務釐正於六官六官之務取決於中臺方其萬機投前枉直利病叢見錯出而叅稽訂正都公實任其責其選可謂重矣爾久遊庠序號稱文雅洎官于朝用以緣飾吏事綽有可觀在職憲部績用尤著是用命爾文昌之屬尚勉之哉毋使彌綸省闈之譽專美前世則朕爲得人

權戶部侍郎李椿年落權字

勅古者均九式以節財則三壤而成賦是以調度充而經界正朕怵惕惟厲宏濟中興謂足國裕民無若是急敷求賢傑使二職併舉又無若我已試之舊具官某挺身種德

剛方不撓發爲文詞典雅純麗有聲于時朕俾爾攝民曹之貳亦旣累年幹邦計正地均成底成績肆加真拜僉以爲宜益懋遠圖嗣有褒寵

武功大夫張言降一官

勅武功大夫張言尺籍伍符入募出軍之法有自來矣其入也不可倖得其出也不容苟免而况銓選定格如規矩設而方圓不可欺爾身蒞軍門乃私逸去而欲詭求優調愚亦甚矣揆之三尺當襁一官往服寬恩無忘循省

忠翊郎趙澤降一官

勅具官部使者沓墨無顧藉汝爲樵筦之吏輒敢以征之羸薦賄而中其欲朕設官分職如汝輩將安賴乎奪官正罰聊從輕典祇服子訓無忘省愼

沈廓降官

殺人致斃詣曹非細事也斃者所遭酷矣斃之者當如何耶爾爲獄掾間塞且懦以甲爲乙漫不加省鐫秩一等尚爲寬恩

王鉉兼侍講

伏羲而上易道未嘗不明商瞿以來古義或幾乎隱是以先天之旨後世罕傳肆求講貫之英我得譽髦之士具官文詞敏妙記問精醇早歷要津備膺殊眷持橐著論思之益演綸推潤色之工猶躬三絕之勤盡得十翼之秘是用不改詞闡之舊俾陪經幄之嚴日侍譙間密承顧問廣大配天地朕有意於發揮緝熙于光明爾無忘於啓沃徃祇明命嗣有褒嘉

湯允恭殿中侍御史

勅具官蘭臺寺天下之要處也凡官其間者號登龍門而殿中之任實亞橫榻朕尤遴選其人爾以高明剛果之資輔之以師友淵源之業馳辭對策嘗中甲科及位于朝溫恭恪忤無擇言之闕職于監祀亦涉三時是用序遷夫持危扶顛以迄康乂厥惟艱哉邦灼邦誣何世不有爾其爲朕明目張膽側陞眊筆以須之則爾爲稱職

趙子厚吳興中興聖統轉官

朕僕上穹之命嗣守丕圖裁中興之書襲藏祕殿允涉編纂咸賁寵靈以爾子厚文雅疏通懋宗英之美以爾稟高明肅給著時髦之稱或嘗糾正於金枝或預刊修於瑤謨眷我服勞之舊俾偕進秩之榮惟此褒嘉無忘稱塞

蕭師雄降官

古者定箠令懼笞刑之濫也爾職巡警威信素不格下撾吏弗服致其號呶勃顛顧淫刑以逞而速其斃一何忍哉儻官一等聊示薄懲

程敦厚復官

朕操予奪之柄既不敢屈法以惠人又欲俾麗法者有自新之路故於甄叙必於肆眚之時所以公天下也爾早以時名寢更撫仕自鑄官秩亦克省循爰示渥恩俾復其舊尚勉之哉

趙良傑降官

吏二千石朕賴以牧養元元脫畔法自恣必有受其病者具官某本無長技假守遐方乃敢移經費以益公帑肆其

下以剝吾民外臺併案士官當法不輕尚賴恩減姑襁官
一列其務省循以蓋前咎

傳青降官

推任子之恩以仁其族者法所或許挾罔上之計以濟其
欲者罪在不容具官某初乏寸長濫居橫列屬逢大需當
上所親廼以他人冒為猶子究其詭迹難追常刑既準法
於一成當鑄官於二等宜念厥咎益務自新

潘真降官

保任之法所以防民偽也傳青之上其親敢以他人冒為
己族爾染贖保之曾不以為疑知而保之是同為欺不知
而保之亦懵甚矣削官一列是為寬科

王庭淨父倚功郎

古者天子問百年而就見之所以欽老也爾之生五百六十四甲子矣享茲耄齒其必有以致之錫以官稱用華其老

孫汝翼降官

仁與義君子所當存心然嫉惡之義勝則有不克全其仁者爾之攝福唐也雖果於嫉惡而疎於審訂有辭丹筆一誤刑遂及於無辜朕方以至仁理天下不可置弗問也削官一等以爲濫刑之戒

陳橐父毅馮穢父昌期贈官

朕報天而成郊之祭旣逆三神之釐推恩而及人之親爰錫九泉之贈具官某性資明雋文藝精深顯爵弗洎其身餘慶乃壽其後挺生令息實吾侍從之良究所從來緊爾

義方之訓俾階華秩申賁閱書尚覲英菟歆此寵命

向子固知揚州

廣陵星紀之墟控帶江淮一大都會也朕念師帥之重每
怖所付而爾幹力強濟資稟雋明嘗鎮是邦習其風俗去
官三載豈弟之思在於人心是用申命昔黃霸再臨潁川
寇恂再臨長社咸有嘉政播在青史至今以爲美談爾其
勉之母使治聲減於前日

米友仁贈官

方抱微病已許垂車之適遽淪長夜徒興過隙之傷眷時
荷橐之英申賁密章之贈具官某生自名閎揚于要津材
久擅於剽煩智每優於博古辨魯宮之科斗識蜀地之罇
于方倚盡規俄聞易簣宜峻升於品秩仍俾祿其後人諒

惟英薨歆我寵命

方滋知廣州陳璘知靜江府

朕撫四海之封每軫得人之念重十連之寄益知謀帥之難矧惟二廣之區密控五嶺之阻蠻獠荒忽風俗剽輕宜得幹方之賢以專分閫之任以爾滋性資通敏智術靖深其外延閣之華往鎮番禺之壤以爾璘蚤繇材誦備著聲猷輟持節於漕臺俾剖符於桂筦若其薰威懷以服遠孚豈弟以宜民各所優爲奚俟多訓

張微降官

上以奉公而下以卹民者縣令職也益陽月輸緡錢汝剝民而取之公則濟矣其如民何削官示懲往務循省

劉貴陳進贈官

寇攘囊橐巨浸擾吾赤子汝能奮身搏戰以至持忠入地
朕心惻焉兩官褒贈且卹其孤寡而有知歆我休寵

錢雋之降官

昔齊宣王以羊易牛孟子謂當推是心於愛人今汝錄解
牛者繫之而剝其財至瘦死獄中則是人命反不若牛之
重汝何用心逆人道也禡官一列以爲殘忍少恩者之戒

趙士彰兩浙運判賈直清江東提刑

環江浙以置州孰匪股肱之郡分漕刑而命使是資耳目
之司惟經理之勤則不匱於輸將惟伏念之明則罔差於
關決式頒新命允屬通才以爾士彰發策決科夙推賢於
肺腑以爾直清蒞官行法每馳譽於簪紳並膺側席之求
各界觀風之任惟吳會密連於帝所而江壩實奠於留都

悉既乃心以佐予治

徐璉太府寺丞

受貨財之入頒于受藏之府者太府職也爾生于名閥素閑文藝簿正鈎檢又熟見聞其陟于丞以佐而長

戶部侍郎宋貺落權字

天下之事萃於文昌臺而地官爲尤劇異時天官司會秋官司民所掌今又總之矧少常伯爲侍從高選非宏材碩望朕弗輕畀具官某持心行已敦厚而肅括以素所蘊施之於政恢恢乎有餘也攝承滋久非特善於其職而論思啓沃實簡朕心爰錫贊書俾加真拜爾其知取知予足國足民無爽貨泉之柄則予汝嘉

曹紹先趙公懋降官

婢雖賤役憫井臼之服勤汝實忍人迺鞭笞而致斃亦人
之子也何爲至是哉聊褫武階慰其幽魄

沈虛中吏部郎官林機禮部郎官

董正三銓位獨先於選部叅稽五禮職尤重於儀曹數求
望郎我得髦士以爾虛中宏材經遠術業兼貫於九流以
爾機厚德鎮浮文藝當魁於四海攝承滋久譽處采休念
二廳存省眼之稱而南宮有舍人之号肆加真拜實副僉
諧益懋爾猷以祗子訓

封周降官

剖千里之符非仁不足以惠下非明不足以察茲汝之爲
叙州也興譙門之役而斂及齊民其屬市馬指駝爲鶻恬
不加察安在其爲仁與明也鑄官一列以爲汝懲

張宦致仕

持紫荷之橐久資造膝之忠從赤松之遊遂有垂車之請
重違雅志爰錫命書具官某厚德鎮浮至誠格物孝友賦
秉彛之美文詞推振藻之工內貳銓曹衆仰提衡之譽外
臨藩服民多卧轍之留方爾奉祠何期歸政其進中臺之
秩用侈西清之華勉專精神永綏壽祉

賈堯民降官

人以戰死而官其所親欲以勸忠義也若乃死者被其酷
而官者非所親則必有爲之姦計者爾爲帥屬乃敢比姦
共爲欺冒理官蔽法當褫兩階宜自省循服我寬坐

李嗣慶降官

漢兒寬以負租課殿當免民恐失之輸租不絕課更以取

初未聞恃刑以辦也汝政拙追科乃掠民致斃一何酷哉
貶官一列以謝其冤

張祚降官

均田畫疇則肥瘠以成賦詎可容私意也爾不能察家吏
戶中沃田更爲斥鹵有害稼政其可不懲姑從褫官尚思
省循

陳誠之禮部侍郎落權字

朕肇開中興以軍旅易俎豆邊陲徹警人文載郁正賴成
德之彥講求叅訂舉墜典而新之具官某器識高明術業
精贍頃奉大對安上治民之旨形於文詞朕固嘉爾知禮
取以冠多士矣旋被簡擢攝承春卿之貳又能觀時會通
以振矩矱肆加真拜其誰曰不宜書不公乎夙夜惟寅直

哉惟清朕所以望爾者如此可不勉哉

韓仲通刑部侍郎落權字

倡九牧以阜兆民實重秩卿之寄欽五刑而成三德尤嚴
憲部之官惟予法從之英久掌條章之重俾加真拜庸示
眷懷具官某資稟剛明辯智閎達通歷司刑之屬謁稱任
職之巨隆典折民深契伯夷之旨援經斷獄有同董相之
能遂擢居於禁林俾攝承於卿貳屢更歲籥申錫命書惟
緩死者君子之爲而屬極者哲人之事儻知懋勉是稱寵
嘉

湯思退除起居舍人兼直學士院

螭坳載筆職記注於外廷鑾坡代言奉諮詢於中禁皆朝
端之妙選乃儒者之至榮以爾識慮靖夷材資英敏謁多

聞之譽蚤中異科讀未見之書久儀祕府植此淵源之藴
發爲灝噩之文爰即師言俾兼華貫右史以記動爲任朕
方情一己之修王言以尚要爲工爾其聳四方之聽

王葆除司封郎官

晉之執秩齊之主爵蓋今之封曹也事省而選高非一時
英偉之士朕不輕屬焉以爾德盛而牧謙記博而守約性
樂易而強於爲政可謂賢矣封曹之選爾嘗攝承肆命爲
真母忘報塞

王曦除禮部侍郎

虞朝典禮爰命秩宗漢代蒞儀時推稷嗣朕適圖純治蒐
舉彌文敷求朝著之賢貢以春官之貳具官某持身肅括
迪德粹溫詞源倒三峽之流藝圃洽五車之富兼内外之

制文覃思於絲綸交南北之歡方遄歸於英蕩是用陞華
法從庀職文昌宜夙夜之惟寅以旦夕而承辟我知厥若
汝永有辭

錢炳降官

罪以赦減者宜知恩罪以首原者宜知過汝之丞鄱陽也
公罪以赦減私罪以首原亦可謂幸矣尚當撝官不可以
幸爲常而不戒也

趙述團練使

爾祖忠獻公佐佑我祖肇開赤籙有大勲績紀于旂常朕
念厥後弗昌惻焉興念爰因勞使以寵其裔孫具官某性
稟明雋資尚謹孚上閤聯華久儀軒陛比者銜命修好揚
旌出疆懋著猷爲當有明陟是用特刊武階正兵團之任

非獨獎爾之勞抑欲慰爾祖廟

趙彥璧取應合格承節郎

汝群宗室子程試有司而中其選雖不及預集英之游特
畀一官於汝寵矣

侍郎葛公歸愚集卷第十

侍郎葛公歸愚集卷第十一

外制

潘端卿降官

朝既盈矣敢愆辨色之期書用識哉難廢馭威之典具官某早緣戚畹寢躐華資當益懋於恪恭乃自安於慵放奸此慢朝之禁遂貽貶秩之羞聊示薄懲尚宜自訟

李如岡磨勘轉官

周官八法治官府官職處其二而以官計終之因材德之懋而任其職因歲月之成而弊其計蓋並行而不可偏廢也具官某文行操履秀于士林繇歷要津榮問休暢朕固嘗任以小宰之職矣今收司計歲課已闋一閏格當增位朕亦奚愛焉往服恩榮毋忘祗載

張巖大理寺正

大理有正下聽于史而上告于大司寇其責重矣爾甚敏而文丞于棘寺有平允之稱肆以叙升僉議惟穆爾其悉聰明致忠愛察小大之比庶乎無冤民尚其勉之

吳國大長主孫潘昌期等補官

朕於外戚無私澤至於彝典不敢有廢焉爾等吳國之孫咸知樂善善貴以初命尚克欽承

莫冲宏詞轉官

朕設詞藝之科以羅天下英俊蓋將爲異日用也爾妙齡警敏穿古貫今塞芳味腴自鑄奇藻旣中有司程度可無勸哉肆加榮級嗣有褒寵

章燾大理少卿

刑一成而不可變故凡隸職于廷尉者必求已試之舊庶
幾見聞習而條章審民以無冤爾智能強濟經術該通嘗
命爾司直司丞而又俾爲正惟察惟法咸適厥中洎官憲
曹持心忠厚惟刑之恤則助朕廣好生之德者莫爾若也
今茲理卿虛貳肆命往職誰曰不宜其惟有終則稱朕命
陳相樞密院檢詳諸房文字

朕惟樞廷設檢詳之官非特賴以理閱辭案程督期會而
已亦使預聞國論非周密謹孚之士不輕畀也爾文藝精
醇風度凝遠曩在編摩之職承攝于是已著靖恤之稱矣
而糾族司輿又藹華問是用命爾易不云乎幾事不密則
害成可不戒哉

晁謙之轉官

三載考績六計弊治虞周之懿典也朕規矩往制允釐百
工檢結吏勞參閱歲攷儻文無爽俾以序陞具官某持身
端亮稟德粹溫好古而文弗畔家法入侍從橐出典方面
藹言語政事之聲比者銓曹上聞已應會課爰增品秩是
曰彛章其克欽承嗣有褒寵

巫山神封妙用真人

朕撫四海之封秩百神之祀儻介惠民之福宜膺錫命之
榮以爾道格兩儀神周八表聰明正直有嘉於嚮之通祈
禳禱祠屢協豐登之應爰頒懿號以侈仙游其大庇於吾
民庶克承於朕命

威惠善濟廣祐王加封

冬無愆陽而夏無伏陰雖繇於天相風不鳴條而雨不破

塊亦係於神功爰錫寵靈以彰休應具官某肖儀霄極血
食上饒每介福於民編屢陞華於王爵不違瑞祝克協豐
年屬者南畝未秋西郊不雨方傳芭而代舞遽霈澤以隨
車會邦人之有言騰奏書而來上爰加廣祐之號用光乎
惠之祠永福此方庶安命祀

靖懿夫人加封

帝子降神第興歌於湘渚姚姬立廟徒幻迹於巫山苟利
澤之有聞在褒封而敢後具位作配威惠備著炳靈丕應
祈年屢諧豐歲魚軒象服爰錫號於小君桂酒椒漿永奉
祠於支邑

趙達左承事郎簽書劔南東川節度判官廳公事
朕遵三歲大比之制集多士于廷操觚濡毫競奮英藻有

居首選錫命惟優爾來自遐方入承大對議論文采卓爾
不羣丙夜以觀當冠諸彥肆授京秩賓介子梓潼以便爾
父母之邦恩則隆矣宜厚自涵養務植德立行則朕寧久
遺爾於諸侯哉

王貴父琳王彥父成贈官

朕裸豎太室燎煙圓丘祖宗祇歡天地並貺宜有惠澤溥
及臣工具官某執禮以檢其身種德以燾其後克生令子
爲時幹臣茲因銓曹之上聞迺錫閱書而褒贈尚期冥漠
歆我寵靈

蕭振磨勘轉官

寓西清之寶儲寢更時序校中銓之吏考爰錫贊書具官
某挺敏政之材藹洽聞之望蚤緣際遇邇歷清華蒼弁天

隣尚芟甘棠之蔭赤城霞蔚今聞秀交之謠會年庸已應
於彝章肆爵秩誕頒於新命往祗寵渥無怠欽承

曹筠集英殿修撰

朕惟集英論譔之聯侍臣甘泉侍從之列載疇壽俊特賁
恩章以爾德茂才宏行脩言道橫經槐市士每服於精醇
執憲栢臺衆共推於端亮眷茲末里密拱行都千里允賴
於承流三月遽聞於報政爰䟽榮於書殿庶增重於侯藩
其務欽承無忘稱塞

陳全降官

國朝制祿視秩之崇卑而爲豐殺汝敢羨格羸取匿不自
言沓貪甚矣視官一列聊爲汝懲

王繼善醫官有勞轉官

岐黃之秘素問粗傳和扁以來妙義滋闡汝克知究復號
稱良醫給事東朝頗著忠恪陞官一列用顯汝勞

杜繼忠陣亡補官

汝父素號驍勇邊場搏戰遽殞元身朕傷忠義之魂而喜
存者之可與嗣也初官命汝往其欽哉

張宗元磨勘轉太中大夫

太中之秩漢制比千石而國朝號四品庶寮雖侈庸歷不
得輒授至侍從之臣則聽焉其官可謂重矣具官某德行
文才藹然譽處盡諾長樂蒙福于屬城桴鼓不鳴坐以無
事今者攷閱計年當陞厥官朕不敢愛所重也勉稱恩榮
嗣有褒寵

曹筠除敷文閣待制知成都府

緣雲飛閣襲寧考之圖書濯錦名城宅蠶叢之壤地特頒
明命併授真賢具官某道直氣平文高行整奮霜稜於烏
府有嘉糾正之能振風力於龜峯置著蕃宣之効會坤維
之謀帥寵從橐以戒塗旣專外閫之權實倚長城之託往
祇予訓益懋爾猷

吳垌成都府路轉運副使

井絡之隅素稱富盛比年以來官無浮征民享豐歲用益
以饒而爾䟽通敏明裕於心計委積輸將宜非難事是用
付汝漕寄欽哉理財思乎義裕國志乎民人或以爲難而
君子以爲易也可不勉哉

范生降官

事魔習妖具有三尺假神疑衆實預四誅汝職字民所宜

致察暨茲爲幻乃罔聞知其削榮階庶知訟過

沈調提點諸路坑冶鑄錢公事

升人物地必資厲禁之嚴泉府受藏宜察流行之濫邦財
所繫使命匪輕而爾識度覲夷材資明雋荐更任使蔚著
聲猷輟從漕輓之司式副推儲之寄往虔中詔期訖外庸
梁汝嘉知鼎州

朕眷禮臣工初無中外之間簡求師帥曾何遐邇之殊爰
錫贊書用寵賢喆具官某忠誠許國肅括提身聯喉舌之
司坐致版圖之理牧股肱之郡衆推屏翰之良眷茲武陵
今爲重地溪湖制險民獠錯居思得共理之良呂重分憂
之寄其起祠官之逸往臨民社之優欲慰遠人勉圖寬政
不微換武

設官有文武之殊用人無重輕之間儻從新便奚憚改圖
爾前襲儒冠嘗寓東觀之直今還武弁歸服南班之聯仍
授兵團日光宗籍

不羈直祕閣

朕廣搜天下圖書實之祕閣寓直之選亶惟艱哉爾宗正
之子秀於士林特頒異恩以慰而父

王述降官

國家則壞成賦計畝受苗輸糈于公吏當存察乃容私囑
以捕爲精失職若斯其可佚罰

周綰成都路提刑劉長源湖南路提刑馮忠恕夔
路提刑

朕慮四方典獄罔察于獄之麗民有受病者分遣使指每

難其人以爾綰忠恕器博識明持心近厚其往分按二蜀
長源強濟疏通仁而能斷其按湘南朕自以爲得人矣各
懋厥職使所部無冤民是爲報朕

喬士立降官

取齎於民非所宜取以其所取而予已之肆非所宜予汝
何足以知此然法之所在不可不懲也

韓世忠除太師致仕

盡瘁於國久輸衛社之忠諗疾于朝忽露奉身之請禮宜
從欲恩特䟽榮亶爲進退之光用輯始終之眷具官性資
英果智略沉雄素馳玉塞之名夙稟金方之氣六奇制勝
坐攄帷幄之謀七萃宣威屢奏邊疆之捷馴致鉦鼙之戢
益堅帶礪之誠苴茅異姓之王受鉞三方之鎮何期謝事

遽抗封章其峻陟于帝師用增崇於勲閥噫趙營平之就
第豈徒駟馬之恩奪固始之乞骸加賁三公之位往祗休
寵益介壽康

韓世忠贈通義郡王

吉祝無憑莫起河魚之疾遺占來上我興陳駟之傷眷予
心膂之臣久寄爪牙之任宜頒密贈用侈泉扃具官某烈
槩凌霜純誠貫日氣稟山西之銳書傳濟北之奇際雲龍
千載之時居貔虎萬夫之長行軍用將理無探簡之難陷
陣摧堅勢有建瓴之易威揚紫塞功紀青編胡不永年遽
淪長夜乃度峨眉之壤追封通義之邦易授王章錫茲帝
祉噫克遵廟筭坐消赤白之囊遐想朝儀惟有丹青之像
尚期冥漠歆我寵靈

劉全母陳氏封號

身登耆耄之籍子預簪紳之聯而朕徹奠瘞之享其可無
澤哉

吳近降官

君子以義制欲小人以欲忘義至於忘義亦何所不至哉
汝所爲至此殊駭聽聞聊禱一官母蹈後害

士樽嫡母王氏吳國夫人

禮行於郊旣秩升柴之祀母貴以子宜加告第之恩眷茲
女士之賢嬪予屬籍之近肆頒一札用詔九泉具官淑慎
柔嘉溫恭婉婉克稸鵲巢之德夙著鳴鳩之仁胡不永年
蚤淪長夜雖小君錫號已荒定武之封然大國未加褒賁
東吳之壤懿靈如在寵命其歆

故妻李氏夫人

男子之願有室蚤興奩鑑之悲婦人之爵從夫特賁并班之贈具位言行昭平壺則慈儉足爲母儀進饋嗣王姬德宗正克敦賢操綽有大家之風胡不永年宜錫小君之號翟弗雖榮於身後鼎鍾無憾於生前尚覲營魂歆吾恩渥

趙伯耆等轉官

肺腑枝葉之屬能捐驕汰之習已足嘉尚汝乃能以文藝自奮試進士中其科可無獎乎陞秩二等以爲吾宗之勸

謝邦彥大理正

魏晉之間以正監平爲廷尉三官而正尤爲要任爾仁明審克藹儒雅之稱官于理寺亦淹歲時肆用序陞無志報效

士遜贈觀察使

華簣沉綿謂當勿藥逝波遷謝忽上遺占跂宗邸以興嗟
錫閱書而褒贈具官某持身飭愿臨事敏明久聯環列之
憂已昇兵園之重載疇崇級俾加位於廉車仍侈新封肆
疏榮於侯社英靈未泯寵渥惟歆

侍郎葛公歸愚集卷第十一

侍郎葛公歸愚集卷第十二

表

謝賜戒石銘表

臣某言天語丁寧誕傳寰宇雲章黼黻俯逮私門祗奉匪
頒惟知欽佩臣中謝竊以太宗皇帝憂國若渴視民如
傷虞郡縣之吏游食以瘵官慮茲貪之臣瘠人而封己親
紆寶恩申敕庶邦立爲戒石之銘光動奎躔之次庶乎委
質之吏咸有奉公之心而乃睿訓弗昭攸司尚闕雖知惇
史所載固磊落而畢陳然非邇臣再書殆洎汨而難見恭
惟 皇帝陛下勵精庶政率圖康功以孝奉先故宣布前
朝之美以仁利物故發輝永世之規以謂德宗嘗製台衡
之銘明皇大頒令長之戒猶傳琬琰顯示臣鄰矧惟昭代

之舜章實作萬方之藥石儻稽遐布曷示深慈爰錫輔政
之臣俾奉如絲之旨臣敢不丕承德意上體格言孫子襲
藏求作緹巾之寶晨昏警戒揭爲座右之觀

謝喜雪御筵表

以下權禮部郎官日南宮表此篇邵氏西山集所載誤也

燭龍照山優渥已彰於天瑞游魚在藻燕胥曲荷於君
仁命出九閭慶均百辟恭惟皇帝陛下躬持慈寶默運
道樞時調玉燭之和氣協瑤花之應三靈孚佑九扈北豐
肆頒湛露之恩大作需雲之宴帝觴有衍朝弁無譁移方
丈之仙山奏鈞天之廣樂賞同梁苑疑眸悉預於奇觀享
類鈞臺鼓腹盡霑於飫賜臣濫叨燮理實預榮懷秩秩初
筵已敷崇於體貌懷懷丹悃誓歸報於忠嘉

賀正旦表

氣肇青陽誕布始和之令春回丹禁聿修首祚之儀慶襲
三元歡騰萬宇恭惟 皇帝陛下疑神昭曠受命溥將井
鉞參旗戢師干而弗用箕風畢雨霽解澤以旁流何福不
除有室大競臣等獲叨慶賴久冒慈憐駕綴充庭共仰瞻
於北極椒觴薦壽敢虔頌於南山

四月日蝕陰雲不現表

辰弗集房謹靈臺之前告月離于畢弥天宇以垂陰弗彰
薄蝕之容潛護照臨之體喜先中禁歡動四方恭惟

皇帝陛下知天所爲順帝之則曲盡弥綸之妙靡愆賓餞
之宜惟茲內壤之輝適普正陽之月側身退省降鑒孔昭
臣職在弼諧事關變理望璇霄之縹緲已收有渰之功拜
金殿之岌峩願祝無疆之壽

日蝕不及分表

官占常度前知陽照之當虧德動蒼昊見蝕分之不既
清臺襲吉薄海騰歡恭惟 皇帝陛下道契乾元功參離
照撫寢明寢昌之運得寅賓寅饌之宜惟圉月適屆於正
陽而靈曜乃侵於內壤聖躬修行天鑒儲休如月之初光
尚全於半璧自天申貺福求固於丕圖

賀太陽當虧不虧表

日官推筭前知薄蝕之期天子當陽默運弥綸之妙氣屏
群陰之沴祥開五色之華中賀竊以日月之行有疾遲纏
度之及則交會先事慮事象預察於璇璣當虧不虧時遂
和於玉燭照臨所逮踴躍惟均恭惟 皇帝陛下寅畏享
天欽聰稽古體商高之正事邁周宣之側身內饗韜光初

共虞於愆忒太清騰照今全仰於昭明妖氛消廓於邇遐
蒼雲承戴於上下顧茲休應實祚丕圖臣等忝職近司蒙
休熙旦慶浮天幕曷施救日之弓歡動宸旒願祝後天之
筭

謝賜衣表

寒律肇開已屆始裘之候 皇恩下逮猥頒在笥之珍拜
舞以還曳婁增愧中謝竊以遺賚綿楮漢文獨賜於藩臣
解錫檐褕光武第加於驍將未若霈寶茲於列位錯文筐
於周行均戴龍光共深爵躍恭惟 皇帝陛下謙光遇下
晉晝接人布明明之德而衣被四方昭燦燦之儀而粉飾
百度致茲臣竊冒玷恩華臣敢不盡瘁王家協恭公上庶
乘軒之鶴少逃竊位之譏而在梁之鵜無復冒恩之刺

賀雪表

同雲彌望布清灝以垂陰密雪應期協康年而呈瑞載塗
流詠薄海騰歡恭惟 皇帝陛下體御至神幹旋元化撫
五辰而致順閱衆甫以咸宜致茲六出之祥來應一陽之
候飛花翦水舞青女以縈空亘陌連阡竚黃雲之若按臣
承休天陞庀職台司奉萬壽之觴虔祝延鴻之筭引七星
之縷敢言燮理之功

代人謝賜生日禮物表

駟使星臨芝封天降曲記始生之旦旅頒多物之儀祗荷
慈憐徒深感惕伏念臣親逢亨會竊躡榮塗職在金華術
業何裨於廣廈班通黃閣謨謀莫効於嚴宸方懷昧冒之
慙翻享便蕃之賜牧分生餽樽滂香醪珠春擺紈之良王

屑桃柳之美駢茲庶品併賚罔功此蓋伏遇 皇帝陛下
禮備養賢仁深接下特存彛制寵示恩私飲賜所加已拜
匪頒之渥素殫是懼敢忘盡瘁之忠

謝春衣表

青春三月時旣迫於載陽丹禁九重衣特盼於在笥雖動
曳婁之愧敢忘衣被之仁拜受省循凌兢罔措恭惟
皇帝陛下緝熙庶政藩飾羣工親御弋綈事每聞於克己
寵頒束帛禮特厚於優賢粲然箱篚之儀溥及簪紳之列
臣祗膺綬賜銜荷湛恩顧影知榮共詫章身之煥不衷是
懼深虞濡味之譏

賀冬至表

伏以葭莩潛動氣騰緹室之和芸荔已萌陽應黃宮之候

雲容呈瑞日馭迎長恭惟 皇帝陛下精一執中時幾敕
命不役耳目陶萬寶於化鈞載戢干戈納含生於壽域對
初陽之令節戴亞歲之上儀萬福攸同四方來賀臣叨榮
端揆率屬周行春八千而秋八千共祝延鴻之筭踴三百
而躍三百徒深抃蹈之誠

代人辭免樞密表

渙号誕敷俾叅華於樞筦微情自揣難冒處於玉靈再貢
忱辭仰塵淵聽伏念臣才非識變學昧知方晚逢熙洽之
朝叨被聖神之眷遍更三院曾未累年雖夙夜在公粗知
竭節而佐佑厥辟實愧非才儻膺非據之恩必有疾顛之
失伏望 皇帝陛下遴選所與燭知不能謂假人以名器
者徒紊官常而運籌於帷幄者宜歸髦士收還成命允協

師言

謝吏部侍郎表

參宰士之聯愧乏絲毫之補拜天官之貳忽膺綸綍之褒
冒寵若驚撫躬知懼中謝伏念臣昧道懵學繇力薄才掄
枋第窘於小知瓶罌豈容於大受早年抗志妄伯仲於時
髦末路多艱每參辰於世態貝錦虛織鈞天夢遙甘心麋
鹿之群絕意駕鴻之綴會聖明之躬斷招賢詰以彙征
誤令鰕鴈之蹤獲預官施之列握蘭未久遽叨省闈之弥
綸持節方還俄寵甘泉之侍從昧冒若此報稱謂何此蓋
伏遇皇帝陛下大振宏綱兼收衆智欽識百辟之享灼
見三俊之心謂老馬粗能識塗特加銜策而焦桐或爲良
木諧以宮商猥加馭爵之私更賁章身之寵臣敢不益堅

素履更詭後圖恩重如山永佩生成之賜命輕如髮未知
糜殞之期

謝表州到任表

職冒典銓罪當去國籍刊司敗恩許拜州顧寄重而力絀
惟感深而涕殞伏念臣涉道尚淺其愚不移會神聖之
有爲攬賢豪而無外鶴版蒙招於散地鴈行獲廁於英游
旋被眷知誤膺掀擢節韜英蕩冒庸使於鄰疆筆蓮荷囊
班從臣於禁路方欲効一竒畫半策於黼袞之側校三實
取四才於銓筦之中略未究於施張遽自貽於汰免今者
皇明洞照聖度無私特紆尺一之書俾曳丈二之組起廢
錫命肉骨戴恩茲蓋伏遇 皇帝陛下德懋旁求志存善
貸聽禹鞞而樂善恢湯網以垂慈致此妄庸猥叨甄叙臣

敢不勤農桑之勸課戒獄訟之繁苛宣化承流躬布朝廷
寬大之詔興利除害俾無田里愁恨之聲

賀 皇帝登寶位表

祗奉慈謨纂承天序聖人作而萬物覩共肩愛戴之心元
首明而庶事康行迪泰和之治天地並貺夷夏均歡臣某
誠歡誠抃頓首頓首恭惟 皇帝陛下通駿有聲懋昭大
德稟成湯之齊聖體帝舜之溫恭太僕奉車已應大橫之
兆上卿授策光臨高邑之壇萬福攸同四方來賀臣考槃
幽澗浮食真祠莫陪振鷺之庭以觀飛龍之御接千歲之
統旣欣歷服之有歸上萬年之觴行慶板圖之盡復

侍郎葛公歸愚集卷第十二

侍郎葛公歸愚集卷第十三

啓

謝改官啓

臨軒引對獲瞻玉色之光書贊疏榮繆廁金闕之藉已則知幸人誰謂宜竊以本朝體貌輔臣特盼異數每歲鑒拔羣彥實有定負謂中臣徒事君以身而君子則成人之美然被薦者不拘所部非所部故射進者不揣其可稱無可稱紛如蝟毛得者麟角一言賜諾重已過於黃金半字垂褒榮更超於華袞豈特應一時銓曹陞改之格亦將爲後日廟堂獎擢之因不有軼材曷光清舉如某者地勢甚下天資不高早妄意於世科遂服勤於胄席雖習乎習必審是而勝非顧辰乎辰每來遲而去速勉從門調得齒仕塗

中緣陟屺以纏哀復以尋戈而避地低回百僚底荏苒兩
紀餘未曾作賦而感已知第數爲文而酬客難昨効官於
鹽筴方序祿於海隅懇求祠岳之備負歸展親庭之私養
在塗輒爲置散無課取之可書郡太守慰薦所不霑部刺
史清議所不及非藉品題於舊弼殆將坎壈以終身不度
庸愚勉自奮激幸諸公之過聽抗露版以繼聞寅緣推轂
之恩僥冒在庭之數茲蓋伏遇某官天之先覺古之謀人
爲庶事之著龜實衆材之衡尺一昨入秉機政仰佐睿明
威聲遠憺於蠻夷勲業有光於舜鼎定訐謔於三事暫停
傳說之舟發與義於六經今下馬融之帳黼宸注意韋布
宅心顧謬辱於言揚期終歸於器使誓堅素履仰報鴻私

謝及第啓

提無援之孤軍謂當折北奮卑飛之弱羽敢冀圖南忽驚
較藝以奏名繼冒臨軒而賜第逢辰特幸揣分奚堪竊以
國莫重於人材士要先於器識虞夏商周之際本德義以
明揚秦漢隋唐以來用文詞而博舉蓋深於涵養則其歸
必至於渾厚而慎於踐履則所到未易以測量惟睿主之
作成斯賢才之觀化國家偶中否之運聖上挺勃興之資
當用武而尤急於搜賢方在疚而不忘於試士以賢良籲
俊而仍舉三年取士之制以詩賦掄材而兼求六經探道
之人既容門子之登場又集宗英而戰藝欲仗俊髦之衆
共扶基本之強宜得英能以光拔舉如某者碌碌餘子空
空鄙夫早被訓於鯉庭旋撫衣於虎胄大小百戰首末十
年抱檠懷鉉屈首短檠之燈火汗顏血指何心長缺之車

魚得齒官聯本緣門調侵尋歲月奔走塵埃念弟兄中第者四人而父祖聯科者三世失壽陵之步恐負初心學裘氏之吟期承素業再鼓餘勇復理舊文旅筆陣之千人效鉏刀於一割取圖精鑒不棄下材矧避旁親之嫌關付別頭之試紛然多士取者五人非夙荷於吹噓豈遽容於叨冒茲蓋伏遇某官中興基杖後學著龜斯文魯國之真儒此道商民之先覺每品題於人物用培植於邦基狂狷不違是亦教誨而已賤微兼取而况親炙者乎實有寅緣致此僥倖某敢不恪遵士檢篤守官常勉所不能鞭其不及龍門杳杳粗逃點額之羞天漢迢迢更假乘槎之便

荅嚴公舉解元啓

精藍肄業曾同鑿金壁之燈浙部薦賢並中穿揚之箭君遠

罹於大故我濫預於未科究所從來咸自規磨之賜未皇
馳謝敢圖贊喜之先恭惟某官道先王之法言知古人之
大體八吟魁衆皆知賈誼之升堂六籍授徒今有閔騫之
在寢華牋下逮賤迹有光言踰布帛之溫文有丹青之炳
三年素韞雖少滯於方聞萬里青霄行即觀於軒翥

謝宮教啓

侯藩宰邑方虞美錦之傷宗苑橫經遽被絳紗之選已則
知幸人誰謂宜竊以縣玉牒於皇家宅金枝於朱邸顧豪
傑特立之士固亦衆矣然驕淫怙侈之習尚多有之大抵
平居之時耽於耳目鼻口之五餌故其臨事之際乖於禮
義廉耻之四維必合族而立之師故宿道而興於善周公
輔政教庶子睦友之方顯宗蒞朝獎東平樂善之語豈特

增重犬牙之衛亦將馴致麟趾之風必得異才始尸教職
如某者碌碌餘子空空鄙夫早被訓於鯉庭旋握衣於虎
甯濫叨世賞繼竊文科一昔不離親欣酬素志十年不得
調固所甘心俄得邑於銓曹偶接壤於親館蓋窮猿投林
奚暇擇木然餓麟不噬誰爲落毛豈期鑪冶之私改畀範
模之職退慙忝冒徒切凌兢恭惟某官衡尺衆材著龜庶
政忠純爲社稷之衛所守旣堅篤欽行蠻貊之邦何傷之
有共壯子卿之不屈旋聞季友之來歸果膺黼黻之知遂
補衮衣之闕而某偶緣知獎獲預甄收士以知己不知己
而爲屈伸於斯可見臣以所主所爲主而觀遠近幸審所
依惟謹官箴用酬恩紀

謝正字啓

黿禁試言目眩黃金之闕麟臺在職身遊羣玉之山拜綸
綍之恩輝知簪紳之榮遇用居才表感極涕零竊以讎書
之難昔人所病披往牒於千古寥廓之下證前謬於群書
紛錯之間以春秋之經而尚著郭公之疑以尚書之訓而
猶有武城之誤認烏爲烏必防九寫之非真讀魯爲魚宜
察三傳之漸謬是以策府東觀天祿石渠預官聯者謂之
登瀛洲探書帙者比之遊藏室自非識窮元元本本文高
怪怪奇奇則難使寄蒿目於木天寓蓬心於竹簡矧惟炎
錄際中興之會清朝成蓋代之勲修德而來遠人貫革之
射已息觀文而化天下稽古之事聿興乃模東壁之輝肇
建西崑之府嘗命乘輿之駕屈臨館殿之嚴自顧無庸豈
應濫吹如某者碌碌未有奇節斷斷初無它長西序編蒲

久耕破硯東堂折桂粗繼青氈方甘墨綬之一同旋冒絳
紗之清選遽纏悲於陟岵聊寄命於倚廬燧火再更喘息
猶屬豈謂造朝之始兩叨出命之優曲臺俾預於討論芸
閣復膺於召試禁鼓頻報給筆不停乾鼠之璞礪周方慮
有胡盧之笑不龜之方破越豈惟收泝澣之功濫巾仙省
之校讎更寵道山之編定拜恩稠疊揣分凌兢茲蓋伏遇
某官吾道權衡衆才水鑑謂某稍知翰墨俾博究於異書
憐某久困泥塗特擢陞於清貫卯翼已就敢忘陶冶之恩
頂踵可摩並言竭糜捐之報

謝校書郎啓

正字麟臺已愧試言之寵校文金匱復叨因任之公仰鈞
播之無垠奉綸言而非據撫躬增愧引脰知歸竊以道家

蓬萊之山多存秘錄黑水崑崙之府亦聚古書自昔令王
韋隆斯道石渠廣內藏室承明四部籤垂三閣鼎峙暴羽
陵之簡時拂蠹魚披汲冢之書尚存科斗至於典校在職
尤爲統署要官以李端之博而猶多循習之疑以韋溫之
敏而尚有阿私之誚揚子山忠誠蹇蹇始叅白虎之儒元
微之文彩翩翩方直紅蘭之署那容猥質濫廁英躔如某
者么麼凡才會粹末伎豈識揚雄之奇字未得中郎之異
書言豕渡河者三豈無舛誤書馬與尾而五第切兢持曾
未效於絲毫愧已頒於綸綍茲蓋伏遇某官股肱元聖斧
藻大猷欲俊民之用章乃黎獻之時舉恐遺小善寧錄罔
功致茲瑣尾之姿亦在吹揚之數某敢不激昂晚節銘鏤
丹心魑鼠五技而窮已羞往躅驚馬十駕亦及尚勉前修

又謝校書郎啓

濫讎竒字早充東觀之負擢校秘文忽預西都之選捧然
綸之甚渥知挺埴之蕪容循分起羞叨榮知感竊惟策府
古謂書林遠東三皇五帝之書旁列諸子百家之說金匱
玉函之要訣緇廬黃宅之至言客卿拂悅之辭章齋諧詭
譎之辨論釐爲四部詎止五車傑閣珍藏牙籤而有秩
衆儒是正驚藜杖之分光上符東壁之輝下應西崑之秘
至如典校尤難具負自非大雅宏博之才豈預當宁搜揚
之選如某者天鍾具戇地出單平黃綃古辭雖未閑於矩
矱青箱舊業恐有負於箕裘自任職於蓬山僅留心於竹
簡雖僅免銀根之謬亦豈無烏馬之疑方懼曠庠敢期襄
陟茲蓋伏遇某官斯文領袖吾道權衡董仲舒之選廷魁

大掃賢良之習張燕公之爲館主實參宰相之名博采材
猷上裨器使忝每吹於寒谷我或育於中阿肆令羣庸猥
被超擢某敢不求肩聖讀恪守官常乘羊角之風已借吹
噓之便依龍門之坂未知報稱之期

謝洪郎中啓

興相

發揚潛德固宜人子之盡心未喪斯文正賴名賢而傳世
啓綈裘而增感觀手澤以興悲痛惟先公奮自冷族鳳凰
叶夢祥早發於萱堂龍虎收科文屢魁於棘省拂悅吐春
葩之麗聯翻起夕秀之奇同輩景服則筆至於欲燒後學
競傳則帑聞於驟貴蓋殺青繕寫者既不知其數則銀
板流傳者宜必有其人非遇碩儒曷成茲事此蓋伏遇某
官仁深錫類德厚鎮浮豈惟標榜於前賢蓋欲訓迪於多

士重惟所怙每篤有連傾蓋蚤年喜珪璋特達之美卜隣
晚歲尤草木臭味之同方語離於泛金已興嗟於埋玉猥
蒙高誼特眷遺編於鈴齋嘯諾之時命蓮幕紀綱之吏伐
木隣境惠工四方雕鏤殆閱於一期讎校盡刊於三豕親
著冠篇之序引曲記平生之話言遠邇爭傳存歿俱耀仰
惟恩施未易弭忘何遜之集初成想文選之能誦王規之
筆再覩在方慶以何心惻楚于中敷宣難盡

謝先人賜謚文康啓

爵以馭貴旣登二品之崇謚以尊名更被兩言之寵藐孤
祇命潛德增輝仰惟標榜之公實有陶鎔之自感深而骨
刻矣泣盡而血繼之伏念先考早以英材寢躋膺仕雕龍
擅價摘華國之文章佩犢流恩布宜民之豈弟三科中青

錢之選四郡興五袴之謠膺是易名固非虛美白公掌制
唐朝止著於文稱黔子辭封戰國僅加於康號獲兼二懿
實邁前芳而况神聖撫中興之朝賢傑運上公之材操勵
世磨鈍之具提循名責實之綱固應實副其華豈俾名浮
於行茲蓋伏遇某官片言寤主一德格天以甚易而成天
下之甚難以至靖而息天下之至擾巨鼇鎮於海翻之後
色石鍊於天缺之時百六之運遂回千一之期立致自非
體妙道以在已闡神化以及民安危究消長之宜文武得
弛張之術則何以入皇家如反掌靜穹廬若發蒙至於禮
務旌賢仁存錫類尤軫懷於平日欲勸善於將來致是醇
儒特膺表行恩綸告第詔墨揚幽善者怙焉已侈闔棺之
賜逝者已矣應圖結草之酬

荅宏詞周學士啓

麟之

摘文如披玉藻夙欽黃綃之工收科若摘頷髭載被青錢
之選士歆稽古之力朝有得賢之榮恭惟宏詞學士性天
高明材地敏給泰初真禮樂之器長與有梁棟之姿奮鵬
翼於俊秀之科英聲已茂屈驥足於東南之尉清議未孚
乃奏西掖之篇旋召南宮之試攄游夏淵源之蘊發卿雲
黼黻之詞伏讀可謂正音披翫誠爲孤技食數千枝之雞
跖固知植學之多探八百里之牛心親見控弦之效

代賀万俟中丞啓

伏審光膺中詔進長南司杜羣枉之門邦誣道野識百辟
之享衆俊攢朝王綈誕頒吾黨交賀竊以今昔之所患在
於賢否之不分去倭有拔山之難棄德同轉圜之易欲股

肱之戴上在耳目之得人矧惟中司獨高三院以魏謩之
德猶恐紊於紀綱以薛宣之明始不乖於黑白故茲除目
必屬偉人恭惟某官庶政著龜百僚冠冕學海造真儒之
蘊文鋒高哲匠之華中外踐更險夷無異摧冠七人之列
有嘉一德之忠果膺弄印之除入奉尊席之寵某流落江
海逖違犀貫之顏咫尺門闌阻預龍門之客其爲慶抃難
罄叙陳

謝考功郎官啓

內秘讎書蚤玷麟臺之直中銓校績忽膺鳳詔之頒揣分
奚堪叨榮增愧舞新恩而抃手銜厚賜以淪肌竊以粉闥
之賢上應列宿青纁之直難使具負矧惟司績之聯實號
審官之所於唐則嚴九等之目在漢則爲三公之曹然而

第孝秀則分方郡之權掌貢舉則紊秩宗之職未專統署
稍屬叢拏肆熙朝特命於允釐故此部獨專於總覈計歲
時之遠近究功罪之重輕不撓彛章始容增位儻非明允
之士難膺選任之公如某者空空鄙夫碌碌餘子才乏囊
錐之見文慙輦輓之工蜩鳩第窘於小知瓶罌豈容於大
受獨以欣逢聖旦頓躡華資橫經而授宗支蒞禮而祠郊
廟又使濫陪仙省遍閱九流一百三家豈謂榮遷顯曹俾
察四善二十七最欲令增重於省戶且命攝承於掖垣自
視缺然何以得此茲蓋伏遇

某官道超二八運

際半千迪一德以佐王闕至公而招俊若大雲之覆群品
如巨海之納衆流肆令羣庸亦預選擢某敢不修持義操
沐浴恩波生也有涯永佩提携之賜死而後已未知報稱

之期

荅張耒上舍啓

中宸奏藝衆欽黃絹之工上舍揭名榮被青錢之選摺紳知重庠序增光伏惟某人學貫五車詞流三峽深思博究不離仲尼之三百五篇掇要知歸豈假靈恩之二十四卷果擅解頤之譽遂膺穿葉之榮九轉已成將啓靈丹之鼎一枝可折行攀仙桂之宮某廁跡行朝傾心名彥方圖咫尺之書以爲慶遽辱駢儷之文以見貽荆鳳凰于千仞之山固爭先覩享鷄鵠以九韶之奏豈所宜蒙

謝葉偉上舍啓

曳裾見臨袖文爲賦鼓六璫於天上已欽寡和之音嘗一齎於鼎中可識至珍之味自慙涼薄猥辱眷知謂草木臭

味之同忘珠璧暗投之誚特形裕問仰識冲謙懷琢玉之
歡知克勤於佔畢報泥金之字行即見於擗扶

荅趙達狀元啓

伏審廷對無雙日掃三千之牘臚傳第一天開九萬之程
喜動嚴宸聲騰薄海恭惟某官學窮聖域文挾天庭蜀郡
才豪不數司馬王褒之輩唐朝魁選未甘李程盧肇之先
惟平時抱素蘊之有餘故一旦當盛名而無歉某効官仙
省較藝宸闈探驪龍之珠雖喜窺於藻致抵荆山之玉顧
難辱於謙勤

荅余松第三人啓

伏審給札奏篇臨軒唱第製高明水文居李觀之先題爛
玉山名處岑公之亞聲傳寰寓喜動帝闈恭惟某官謬海


淵深文鋒穎脫已襲簪裳之寵尚借韋布之游念三世科
不負爲裘之業而四隨計吏果酬佔畢之勤想深結於眷
知即掀翔於清其某効官仙省較藝宸闈自愧非才獲觀
衆作驗威鳳於一羽粗諧鑒賞之公享鷄鵠以九韶深佩
謙勤之眷

荅特奏狀元昌先輩啓

射策龍墀榮魁群彥陞名鴈塔特昇賢科謹譁臚句之傳
散豔布韋之列伏惟某官文詞典麗問世深醇器蘊琳琅
夙擅東溪之秀氣材收杞梓屢應南宮之薦負雖回翔偶
跌於壯年然軒翥乃存於今日某效官芸閣較藝楓宸嘗
鼎鑿之珍已知雋永枉驪珠之賜惟有襲藏感荷之深敷
罔旣

乾隆甲寅夏仲從東城顧氏得殘宋本侍郎
葛公歸愚集一束係未經裝池者始猶不甚
貴重特因宋刻故儲之耳後于海鹽家栴升
處見一舊抄本首尾悉同中多樂府一卷但
書卷第不標數目前有王阮亭朱竹垞題識
知前人已重爲祕本然余不能無疑焉歸愚集
本二十卷近時撰集書目作十卷其誤實始
于阮亭居易錄卷十六有云宋葛立方常之歸
愚集十卷詩四卷樂府一卷騷賦雜文一卷外制二卷表啓二卷謚文康勝仲之
子謚文定邨之父也國史經籍志作二十卷
文定公南渡賢相有文集二百卷詞業五十
卷不知傳于世否是阮亭所據以為十卷者即

此抄本之數中有樂府一卷不知從何補入若
宋刻僅有五卷至十三卷律詩四卷賦騷銘文一
卷外制二卷表啓二卷統計之僅有九卷無所
謂樂府一卷也茲幸有宋刻可據足證十卷之
誤不則阮亭為本朝大儒所言豈無足據
孰知其貽誤後人有非淺鮮者乎余故樂為
宋刻重裝之而影寫阮亭竹垞題識弁于卷
首竊附數語于尾以傳信于後云十一月冬
至前三日小千頃堂主人黃丕烈書



嘉慶三年歲在戊午初秋陶五柳主人復以舊抄本歸余宋
刻舊抄並藏讀未見書齋真兩美之合也 荃圃氏又識

侍郎名立方諱文定鄆人父也按經籍志魏大
集二十卷此佚其半又文定公南渡賢相有
集三百卷詞業五十卷不知傳于世否當訪之
濟南王士禎書

竹垞娛考高成談一過時康熙丁丑
月二日

樂府

滿庭芳 催梅

霜葉停飛水魚初躍梅花猶閤芳叢剪酥裝玉應為費天
工爭奈江南驛使征鞍待一朵香濃憑誰報冰肌仙子聞
早駕飛龍落春意動寒姿未展終愧群紅與斬新來
上開伴長松要看黃昏庭院橫斜映霜月朦朧蘭堂畔巡
簷索笑誰羨杜陵翁

又和

未許蜂知難交雀啣芳叢猶是寒叢東方解凍春伏做春
工何事仙葩未放寒苞秘永麝香濃應須是驚聞羯鼓誰
敢噴髯龍梅花君自看丁香已白莢臉將紅結歲寒三

友久遲筠松要看含章簷下開
粧靚春睡朦朧知音是凍雲
影底鉄面葛仙翁

又探梅

狂吹鳴籬祥雲翦水分明欺壓寒梅冰威初斂
羲影上池臺應有一番和氣南枝上恐有春來須勤
拂呼吾輩杖履齒上蒼苔春風渾未到徘徊香徑
巡遙十回見瓊英一點小占條枝且看先鋒
艷香：便繁蕾齊開香浮動微熏詩夢須更著詩催

又賞梅

贈雪方凝春曉俄漏画堂小秩芳筵玉臺仙
藥簾外暮瑤烟莫話青山萬樹聊頻對一段孤妍
杯行處香叅鼻觀百濯未為賢吾廬何處好綉香
竹畔偶桂溪邊且為渠那

重清泛金觴已擣春醪一枕如今且醉倒花前花飛後款
呼一笑又是說明年

又泛梅

庾信何愁休文何瘦范叔一見何寒梅花酷似索笑西簷
看便肯嫣然一咲疎籬上玉臉冰顏湏勤賞莫教青子半
著樹頭酸朱閣聊掩映崑崙頂上琪樹團栾命兒曹班
坐草三杯盤放折溪邊朶璫旋泛蕉葉盃寬泛教尊
前有客拍手咲顏山

又簪梅

弄月黃昏封雪清曉教枝影墮溪濱化工先手幻出一番
新片、雕酥碾玉寒苞似已洩香塵聊相對畸人投分尊
酒認荀陳吾年今老矣佳人薄相咲挿林中愧蒼顏白

髮回援烏雲玉鏡臺邊試看相宜是淺笑輕顰君知否壽
陽額上不是髻邊春

又評梅

一陣清香不知來處元來梅已舒英出籬含笑芳意為人
傾細看高標孤韻誰家有別得花人應須是魏徵嫵媚夷
甫太鮮明北枝方半吐水邊疎影約綽娉婷問橫空皎
月匝地寒竈何似此花清絕凭君為子細推評出竒處素
娥青女著意為橫陳

又

靡映琉璃宮搖雲母水堂新覓雲灣際天波面玉鏡奩
寬闌外青山幾疊瑤烟歛影落千鬟寒汀晚蘆花飛雪風
定白鷗閑塵寰何處有方壺圓嶠弱水波翻何如素秋

北地寒攀種竹今逾萬箇風枝靜日報平安他年事蒼雲
此處千畝看棲鳶

又五姪將赴當塗
自金壇來別

栗里田園烏衣門巷別來幾換星霜華陽仙竈翠折綠衣
香夢墮當塗風月被絳帳歌指鱸堂浮鷗外來尋老子特
泛雲溪航相逢春正好梅舒香白柳曳官黃且相將一
咲樂未渠央須念離多會少難輕負百榼霞漿深：觀舞
回飛雪樂奏小宮商

又胡汝明罷帥歸
坐閭次韵作

江國麾幢邊城鼓角湓川幾報嚴更笑談油幕英傑為時
生賤野六韜三畧新詩就牙梁頻橫功名事他年未晚一
奇落襟袵歸來何早計白蘋洲畔老獲深耕又何如竹

帛纛鼎垂名，犀節徵還伊。起春風，外文鷁催行，岩廊上談
兵。盛頌倘論佐，休明。

錦堂春 正旦作

氣應三陽，氛澄六幕，翔鳥初上。雲端問朝來何事，喜動門
闌。田又占來好歲，星翁說道宜官。擬更凭高望，遠春在烟
波春在晴窗。歌笑雕堂晏喜，任重簾不捲，交護春寒。况
金釵慙玉樹，團圓：柏葉輕浮，重躋梅枝，巧綴新幡共祝
年。如願壽過松椿，壽過彭聃。

水龍吟 遊釣臺作

九州雄傑溪山，遂安自古稱佳處。雲迷半嶺，風搖淺瀨，輕
舟斜渡。朱閣橫飛，漁磯無恙，鳥啼林鴉。吊高人陳迹，空瞻

遺像知烈業千古

憶昔龍飛光武，懷當年故人何許

羊裘自貴龍章難換不如歸去七里溪邊鴈鵝溪畔一蓑
烟雨嘆如今客子翻將釣手遮日向西秦路

菩薩蠻

侍酒賞黃花

井梧葉：秋風晚東籬點：金錢滿開急為重陽日烘淡
院香 幽姿無衆草莫恨生非早嚼蕊倚池臺壽公桑落
盃

風流子

夜半春陽啓東風峭猶帶去年寒嘆榆塞戰塵玉關烟燧
壯心耿：青鬃班：又還是一年頭上到日月信號凡看
門帖繪鷄曆須金鳳酒浮柏葉人頌椒盤 幽園春信近
簾櫳靜小晏取次追歡聊 水沉烟裊清唱教闌況良辰
漸有梅舒瓊蓋柳搖金縷巧綴新禧莫惜醉吟親側衣曳

荆蘭

又

細草芳南苑東風裡贏得一身閑見花朵綉田柳絲絡岸
沿水方泮山雪初殘又還是隄頭春信動梅蘂入征鞍月
裡暗香水邊疎影淡粧宜瘦玉骨葉寒淡金溪上好開
幽戶聊翠面麓雲灣如道醉吟堪老名利難閑算書惟意
懶宦遠游倦舊時習氣惟有躋攀擬待秋蓂花底直到春
闌

多麗 賞梅

冷雲收小園一段瑤芳乍春來未回窮臘幾枝開犯嚴霜傍
黃昏暗香浮動照清淺疎影低昂却月幽姿含章媚態姁
娥姑射下仙鄉倚闌看殷勤待酒索笑也何妨堪於處索

君不啻獨自淒涼 莫何人為伊銷斷古今才子篇章有
西湖賦詩處士 東閣年少臺郎驛使來時吳王醉處幾
番牽動廣平腸 勝宴賞微酸如豆 又是隔年長 高樓外莫
教羌管吹墮寒香

又七夕游蓮蕩作

破波光如鏡 三翼輕舟對兩餘 重岩疊嶂何妨影 墮清沅
望芙蓉渺然如海 張雲錦捲映汀洲出水奇 姿凌波艷態
眼者 葉弄新秋恍疑是金沙池內玉井認峯頭花深處
田田葉底魚戲黿游 正微涼西風初度一灣斜月如鉤
想天津鵲橋將駕看寶奩珠網初抽 晒腹何堪穿針無緒
不如溪上少淹留競矣語追尋惟有沉醉可忘憂 凭清唱
一截檀板驚起沙鷗

沙塞子 詠梅

天生玉骨冰肌瘦損也知他為誰寒底傲霜凌雪不教春
知 高樓橫笛試輕吹要一片花飛酒卮拚沉醉帽簷斜
揷折取南枝

春光好 立道生日作

去年曾壽生朝正黃菊初舒翠翹今歲雕堂重預宴梨雪
香飄 明年應傍丹霄看寶勝重 在腰鵲尾吹香籠繡
段且醉金焦

又寒食將過淮作

禁烟却釀春愁正繫馬清淮渡頭後日清明催疊鼓應在
揚州 歸時元已臨流要綺陌芳郊恣遊三月羈懷當一
洗莫放餽籌

西江月 開爐

風送丹楓卷地霜乾枯葦鳴溪獸爐重展向深閨紅入麒麟方熾翠箔低垂銀蒜羅幃小釘金泥笙歌送我玉東西誰管瑤花舞砌

蝶戀花 冬至席上作

綰空群陰清曉散灰動葭莩漸覺微陽扇日永繡工才一線挈壺已報添銀箭六幕無塵開碧漢非霧非煙彷彿登臺見梅萼飄香縈小宴霞漿莫放琉璃淺

清平樂

子直過省生日
候殿試席間作

文章驚世半挹南宮地第蟾窟澄輝天似洗折得宵宸丹桂當逢矢生賢流霞滿祝長年更願巨螯連釣楓宸第一臚傳

減字木蘭花

四姪遇省
候天試作

搖毫鑄藻縱有微之應壓倒萬里鵬程南省今書淡墨名
牕傳丹陛月裏桂花先著袂鴈塔高題玉季魏科尚賁
低

又章甥築池
相望作

張南周北謾說清漳搖絳絳碧何似幽棲甥舅相望共一溪
璚題沙版不用買鄰糜百萬餘戶增輝宸列芝蘭戶戟
枝

水調歌頭

睡鴨凝香縷白酒瀉無裁郊墟不辨羊酪照筋紫絲尊此
去青山深處邀得白雲為伴絕意請長纓一舸背君去几
幅布帆輕
帝思重容祿隱吏祠庭膝間文度安親得計

是揚名珍重金蘭交契共惜勿：別去送我几烟林異日
懷君處凝睇亂層岑

玉漏遲

窓戶明環堵山客黛染水光銷舞荷蓋擎烟花映步波神
女嫩臉鉛華掩素無語向薰風凝竚晴又雨征鞞隱：雲
洲沙渚 須臾風捲還晴香淺丹囊乍飄沉注魚鮪荷
衣珠顆亂傾無數休話金沙玉井爭似我神龜處觴為舉
何人解歌金縷

行香子

風透紗窓葉落銀床夾纈林吹下嚴雷新篴浮蟻班坐飛
觴有茗中秀籬中艷洛中香 金鈿放蕊玉粒爭芳慣年
年來起清高不應素節還有花王看正封詩龜年調太真

狂

玉樓春

雪中攤爐
開琵琶作

青女飛花濃剪水寒氣霏微度窓紙人間那得骨為簾
有麒麟樽有蟻笙篴凍澁閑絨指香霧暖薰羅底却教
試作忽雷聲往驚開桃與李

鷓鴣天

小孫周時
席上作

榴花庭院戲罷毬水剪凌眸画不如莫恨未能通瑟憫只
今先已辨之無虎睛淺綴新花帽龍腦濃薰小綉襦乃
祖未湏貽厥力及時湏讀五車書

浪陶沙

子直新第落成
席上作

休看輞川圖未是幽居何如雲水遶儲胥新濕青紅開棟
宇霧拱風䟽小圃秀郊墟花破平蕪五峯列影水平鋪只欠

五城樓十二便是蓬壺

卜算子 賞荷以蓮葉勸酒作

明鏡蓋紅蕖軒戶臨烟渚
寧珠簾淡風香裡問樽俎
莫把碧筒彎恐帶荷心苦
喚我溪邊太乙舟潏潏盛芳醑

又席間再作

裊水芝紅脉蕙葭浦折西風淡烟幾點疎雨
草展盃觴對此盈女華紅衣當酒缸細流霞舉

夜行船 席間再作

百尺雕堂懸蜀綉珠簾外玉闌瓊甃調鼎名家吹簫賢胄
新卜鳳凰佳繇銀葉添香滿袖滿金盃壽君芳酒喜
動蟾宮祥生熊帳應在細君歸後

雨中花

雖陽途中見李盛
開作以下奉作時作

壯歲嬉遊樂事几經青門紫陌芳春未見
簾纖膏雨浥花塵濯錦寶絲增艷洗粧玉
頰尤新向韶光濃處點染芳菲總是東君
蘇州老子經雨南園為誰一掃花林誰信
道佳聲著處肌潤香勻曉試何郎湯餅暮
留巫女行雲寄言遊子也須留盼小駐蹄
輪

又和

寄往淮陽陌上忽看天苑濃李爭春又見
楚宮行雨洗芳塵紅艷霞光夕照素華瓊
樹朝新為奇姿芳潤擬倩遊燕留住東君
拾遺社老猶愛南塘寄情羅幃山林爭侶
此花如姝麗懶隨輕勻不數紅綾秋玉休
誇花裏紅雲少須澄霽一番清影更待永
輪

好事近 歸有期作

我騎漢旌迴喜動滿川花木遙睇清淮古岸散離愁千斛
烟籠沙嘴定連艘鵲脚蘸波綠歸語隔年心事秉夜闌
銀燭

又和子直惜春

歸日指清明肯把話言輕食已是飛花時候賴東風無力
青帘沽酒送春歸莫惜萬金擲屈指明年春事有紅梅
消息

眼兒嬌

四至汴京喜而成長短句

暫時莫蕩出燕然永柱凍層簷時節馬蹄歸路楊花亂撲
征驕如今歸去銀鐺宜見七宝床邊待得退朝花底人家
爭捲珠簾

侍郎葛公歸愚集卷第五